

徇輝府志卷二十七

人物志

聖蹟

周

孔子魯人年五十五為魯司寇齊人歸女樂季桓子受之

郊又不致膳孔子遂行適衛時周敬王二十三年衛靈公

三十八年也主顏濁鄒家

孟子作顏繼由

靈公問孔子居魯得祿

幾何對曰奉粟六萬衛人亦致粟六萬居頃之或譖孔子

靈公使公孫余假一出一入

索隱曰謂以兵使出入以脅夫子也

孔子恐獲

罪焉居十月去衛將適陳過匡匡人問之以為魯之陽虎

衛輝府志

卷二十七 聖蹟

一

四百一

圍之五日弟子懼孔子使從者為臣甯武子於衛然後得

去去即過蒲月餘復還衛主蘧伯玉家靈公夫人南子使

人謂孔子曰四方之君子不辱欲與寡君為兄弟者必見

寡小君寡小君願見孔子辭謝不得已而見之夫人在絺

帷中孔子入門北面稽首夫人自帷中再拜環珮玉聲璆

然孔子曰吾鄉為弗見見之禮答焉

有矢子路之語

居衛月餘靈

公與夫人同車宦者雍渠參乘出使孔子為次乘招搖市

過之

有未見好德之語

於是醜之去衛過曹適宋及鄭至陳居三

月復反於衛靈公聞孔子來喜迎諸郊

孟子謂孔子然靈公有際可

然老怠於政不能用

有三成之

有

子擊磬有荷蕢而過

有心哉擊磬乎詳見論語不用將西見趙簡子三河同

鳴犢舜華之死而反又一蘧伯玉家他日靈公問陳不對

有俎豆嘗聞軍旅未學之語明日與孔子語見蜚鴈仰視之色不在孔

子遂行復如陳明年自陳如蔡及葉至楚又反乎衛時靈

公已卒衛君輒父蒯躓不得立在外諸侯數以為讓而孔

子弟子多仕於衛衛君欲得孔子為政子路曰衛君待子

而為政子將奚先子曰必也正名乎詳見論語又有魯衛兄弟及答子貢夷齊

之居衛凡四年孟子謂孔子於衛孝公有公養之仕朱因註孝公春秋史記皆無之疑出公輒也

孔文子將攻太叔疾問策於孔子辭不對命載而行曰鳥

能擇木木豈能擇鳥乎會季康子以幣迎孔子孔子歸魯

衛輝府志 卷二十七 聖蹟 二 四百三十

由是訂禮正樂刪詩序書贊易因史記作春秋于載下成

折衷焉史記孔子世家

賢哲

殷

微子微國子爵汲人名啟帝乙長子紂庶兄紂淫亂於政微子

數諫不聽欲死之及去未能自決謀於箕子比干至比干

諫而死微子曰父子有骨肉而臣主以義屬故父有過子

三諫不聽則號而隨之人臣三諫不聽則其義可以去矣

遂行武王既克殷復其位如故周公承成王命誅武庚

父乃命微子代殷後奉其先祀作微子之命以申之國於

宋史記宋世家

箕子箕國子爵汲人名胥餘紂請文紂始為象箸箕子嘆曰彼

為象箸必為玉杯玉杯不已則必思遠方珍怪之物而御

之矣與馬宮室之漸自此始不可振也其後紂果為淫佚

箕子諫不聽或曰可以去矣箕子曰為人臣諫不聽而去

是彰君之惡而自說於民吾不忍為也乃被髮佯狂而為

奴紂囚之武王既克殷釋其囚訪問以天道箕子以洪範

陳之箕子不忍周之釋走之朝鮮武王聞之因以朝鮮封

之而不臣也其後箕子朝周過故殷墟感宮室毀壞生禾

黍心竊傷焉欲哭則不可欲泣為其近婦人乃作麥秀之

衛輝府志

卷二十七 賢哲

三

四百三

歌殷民間之皆流涕史記列傳

商容衛人殷之賢者紂棄不用隱於太行武王既克商命

為三公容固辭不受及卒武王表其閭汲縣志

周

太公望呂尚汲人少鷹困敏而智老而屠牛朝歌賃於棘

津避紂居東海之濱聞文王善養老遷於涓濱隱漁釣文

王將出獵卜之曰所獲非龍非虺音獍非龍非虺非

貔所獲霸王之輔於是文王乃齋三日出於涓陽卒見大

公大悅曰自吾先君太公曰當有聖人適周周以與子真

是耶吾太公望子久矣故號之曰太公望號與於歸立為

師後佐武王平殷亂修周政興天下更始師尚父謀居多
授丹書之戒封於齊都營邱大公雖封留爲太師卒葬於
衛所著有陰符鈴錄一卷陰謀三十六卷金匱二卷六韜
六卷凡二百三十七篇子孫世祿於齊史記齊世家

石碯衛人爲大夫莊公變人子州吁有寵而好兵公弗禁
碯諫弗聽後州吁弑桓公禘之子厚與之遊從入陳碯使
人告於陳曰此二人者實弑寡君請即圖之陳人執之碯
使右宰醜殺州吁於濮使犛羊肩殺厚於陳書子曰石碯
純臣也惡州吁而厚與焉大義滅親其是之謂乎左傳

寧速衛人卽莊子也仕衛爲正卿狄滅衛殺懿公速乃立
衛輝府志 卷二十七 賢哲 四

戴公中以廬於潛戴公立數日卒復立其弟熒是爲文公
遷於楚邱君子曰不殄康叔之祀莊子之力也汲縣志

石祈子衛人爲大夫時宋猛獲出奔衛宋人請之衛人欲
勿與祈子曰不可天下之惡一也惡於宋而保於我保之
何補得一夫而失一國與惡而棄好非謀也衛人遂歸獲

初石駘仲駘仲衛大夫卒有庶子六人卜所以爲後者曰沐浴

佩玉則兆五人者皆沐浴佩玉石祈子曰孰有執親之喪
而沐浴佩玉者乎不沐浴佩玉石祈子兆衛人以龜爲有

知也左傳檀弓

甯戚衛人家貧不遇欲干齊桓公窮困無以自進於是爲

商旅貨車以適齊暮宿於郭門之外桓公郊迎客夜開門
辟貨車者執火甚盛從者甚衆甯戚飯牛於車下望桓公
而悲擊牛角而歌桓公聞之撫其僕之手曰異哉此歌者
非常人也命後車載之甯戚見說桓公以合境內明日復
見說桓公以爲天下桓公大說將任之羣臣爭之曰客衛
人去齊五百里不遠不若使人問之固賢人也任之未晚
也桓公曰不然問之恐其有小惡忘人之大美此人主所
以失天下之士也且人固難全權用其長者遂舉大用之
管仲請立爲大司田後遷相國所著有相牛經一卷汲縣
甯俞衛人莊子子卽甯武子爲大夫當文公時晉文公出
衛輝府志

卷二十七 賢哲

五

四百廿六

亡過衛衛不禮焉及反國侵曹伐衛衛出成公以悅於晉
衛侯出居襄牛武子與國人盟於宛濮衛侯反國又以殺
叔武故爲元咺訟於晉晉執而歸之京師置諸深室武子
職納橐餽焉晉使醫衍酖公武子貨醫使薄其酖卒保其
君孔子稱之左傳

子鮮名鱣衛獻公母弟素以賢行見信於國獻公見逐出
奔齊甯喜當國素重子鮮乃聽其言復獻公獻公入而背
其言殺甯喜子鮮口逐我者出納我者死賞罰無章何以
沮勸君失其信而國無刑不亦難乎且鱣實使之遂出奔
晉公使止之不可及河又止之縛乃止使者而盟於河託

於木門不向衛國而坐木門大夫勸之仕不可曰仕而廢事罪也從之昭吾所以出也吾不可以立於人之朝矣遂終身不仕

左傳

太叔儀卽文子衛人仕爲大夫孫林父之逐獻公文子守國獻公求復於甯喜許之文子曰甯叔視君不如奕棋奕者舉棋不定不勝其糶况置君而弗定乎必不免矣後公果殺喜公使人讓文子曰寡人淹恤在外二三子皆使寡人朝夕聞衛之言吾子獨不在寡人寡人怨矣對曰臣知罪矣敢忘其死乃行從近關出公使止之他日公孫免餘有功公使爲卿辭曰太叔儀不貳能贊大事君其命之乃

衛輝府志

卷二十七

賢哲

六

四百十六

使文子爲卿

左傳

公孫免餘衛人爲大夫獻公歸甯喜專政公患之公孫免餘請殺之乃與公孫無地公孫臣謀使攻甯氏弗克皆死之公曰臣也無罪父子死余矣免餘復攻甯氏殺甯喜及右宰穀尸諸朝公與免餘邑六十辭曰惟卿備百邑臣六十矣下有上祿亂也臣弗敢聞且甯氏惟多邑故死臣懼死之速及也公固與之受其半以爲少師

左傳

柳莊衛人爲太史初獻公自夷儀返於衛及郊將班邑於從者而後入柳莊曰如皆守社稷則孰執羈勒而從如皆從則孰守社稷君返其國而有私也毋乃不可乎弗果班

父寢疾獻公曰若疾革雖當祭必告及告公再拜稽首請於尸曰有臣柳莊也者非寡人之臣社稷之臣也聞之死請往不釋服而往遂以祔之與之邑襄氏與縣潘氏書而納諸棺曰世世萬子孫毋變也

檀弓

蘧伯玉名瑗衛人仕爲大夫爲人恭儉篤禮夜行過公門必下靈公嘗與夫人夜坐有車當闕無聲公謂夫人曰知車爲誰夫人曰必蘧伯玉也何以言之伯玉衛之篤禮者也夫禮下公門式路馬今車當闕無聲是下門也非伯玉誰能闕行而不廢禮公使問之果然行年五十而知四十九年之非行年六十而化孔子每至衛必主其家以君子

衛輝府志

卷十七 賢哲

七

四百廿六

稱之家語

史魚名鱮字子魚衛人仕爲大夫公叔文子朝於靈公請公享於其家鱮曰子必禍矣子富而君貪文子曰然其若何鱮曰無害子能執臣禮猶可以免富而能臣必免於難戍也驪其亡乎鱮嘗諫靈公去彌子瑕而用蘧伯玉不從鱮病革命其子曰不能進蘧伯玉退彌子瑕是吾爲臣不能正君也生不能正其君則死無以成禮我死汝置屍牖下其子從之靈公往弔疑而問也其子述其言以對公愕然曰是寡人之過也於是進伯玉而退子瑕孔子聞之曰古之諫者死則已矣未有如史魚死而屍諫忠感其君者

也可不謂直乎 家語

公子荆衛人仕為大夫孔子稱其善居室吳季札以為君

子人也 論語左傳

公叔文子即公孫拔也一名發衛人仕為大夫為人廉靜
特人稱其不言不笑不取史鱣謂其富而能臣其卒也子

成請諡於君曰日月有時將葬矣請所以易其名者君曰
昔者衛國凶飢夫子為粥與食之德者是不亦惠乎衛國

有難夫子以其死衛寡人不亦貞乎夫子聽衛國之政修
其班制以與四鄰交衛國之社稷不辱不亦文乎宜諡曰

貞惠文子嘗薦其家臣饒為大夫與同升諸公孔子稱其
衛輝府志 賢哲

可以為文 檀弓

北宮文子名佗衛人為大夫相衛侯如楚見令尹圍之威

儀言於公曰令尹似君矣將有他志雖獲其志不能終也
公曰何以知之對曰詩云敬慎威儀維民之則令尹無威

儀民無則焉民無所則以在民上不可以為終公曰善其後
果如文子之言 左傳

孔圉衛人為大夫治賓客交睦鄰國衛賴以不喪卒諡文
子 汲縣志

端木賜字子貢衛人孔子弟子以言語稱性明敏事多億
中其學由博而入約晚年得聞性道一貫之傳嘗宰信陽

相魯衛卒終於齊世傳越絕書十六卷謂爲所著唐贈魏侯宋封黎公

濬縣志

卜商字子夏衛人孔子弟子篤信謹守以文學稱六經刪述之後詩易俱傳自子夏徐防謂詩書禮樂定自孔子發明章句始於子夏詩則小序儀禮則有喪服記又夫子嘗曰春秋屬商其後公羊穀梁皆其門人夫子旣沒退老西河專門教授爲魏文侯師唐贈魏侯宋封魏公

濬縣志

高柴字子羔衛人孔子弟子長不盈五尺爲人篤學有法事孔子未嘗越禮足不履影啟蟄不殺方長不折執親之喪泣血三年未嘗見齒爲成宰有兄死而不爲衰者聞子

衛輝府志

卷二十七 賢哲


九

四四四

羔將至遂爲衰成人曰蠶則績而蟹有匡范則冠而蟬有綏兄則死而子羔爲之衰子羔葬其妻犯人之不申詳以告曰請庚之子羔曰孟氏不以是罪予朋友不以是棄予以吾爲邑長於斯也買道而葬後難繼也爲衛士師別人之足俄而衛有蒯聩之亂子羔逃之走郭門別者守門謂子羔曰彼有缺子羔曰君子不踰又曰彼有竇子羔曰君子不隧又曰於此有室子羔乃入焉旣而追者罷子羔將去謂別者曰吾不能虧主之法而別子之足今吾在難正子報怨之時而逃我者三何哉別者曰斷足固我之罪昔公之治臣以法若愀然不悅豈私臣哉天生君子其道固

然此世之所以悅君也孔子聞之曰善哉為吏其用法一也思仁恕則樹德加嚴暴則樹怨公以行之其柴乎蓋其為人智不足而厚有餘故夫子稱之曰柴也愚唐附共伯宋封共城侯二子伯虎叔豺家語禮弓公孫龍字子石衛人或作楚人孔子弟子後封枝江侯康鄭成日楚人舊志有齊田常欲為亂將移兵伐魯孔子欲止之予石講行孔子弗許數語考左傳齊之伐魯因悼公怒季姬而非以常其為史記之誤無疑故削去末又有著書六篇號公孫龍子二語按史記荀卿列傳甲公孫龍子多堅白同異之論且已明著為趙人又謂其與孔子七世孫穿會其為六國時辯士而非孔子弟子無疑不得因註史者之誤混而為一致滋後人之惑也

琴牢字子開一名張一字子張衛人孔子弟子與子桑戶

衛輝府志  卷三十七 賢哲 十 四百六十

孟之反為友唐贈南陵伯宋封平陽侯

奚容蒧字子皙衛人孔子弟子唐贈下邳伯宋封濟陽侯

句井疆字子孟衛人孔子弟子唐贈淇陽伯宋封滏陽侯

狄黑字皙衛人孔子弟子唐贈臨濟伯宋封林慮侯

榮旂字子祺衛人孔子弟子唐贈零婁伯宋封厭次侯

廉潔字子庸衛人孔子弟子唐贈葛父伯宋封胙城侯以上

十賢俱從祀孔子廟庭

顏雝山一名濁鄒衛人仕為大夫孔子至衛嘗主於其家

因受業焉

哀駘它衛人貌惡而有名魯哀公召而觀之果岐異授以

政期月而政教大行仲尼聞之曰是必才全而德不形者也

李音衛人子思薦於衛君稱其賢而有實

南文子衛人史逸其名仕衛悼公為大夫賢而有智慮無遺算

昔智伯欲伐衛遺衛君野馬四百璧一衛君大說羣臣皆

賀南文子有憂色衛君曰大國大懼而子有憂色何文子

曰無功之賞無力之禮不可不察也野馬四百璧一此小

國之禮而大國致之君其圖之衛君以其言告邊境智伯

果起兵襲衛至境而反曰衛有賢人先知吾謀也智伯又

欲襲衛乃佯亡其太子使奔衛南文子曰太子顏為君子

衛輝府志

卷三十七

賢哲

士

三百六

也甚愛而有寵非有大罪而亡必有故使人迎之於境曰

車過五乘慎勿納也智伯聞之乃止

以上俱潁縣志

端木叔子貢之裔也藉其先資家累萬金不治世故行年

六十盡散其家於宗族國人及病無藥石之儲死無槨葬

之需國人憐焉返其財於子孫段干生稱之曰端木叔達

人也

人祀鄉賢見潁縣志

甯越衛人躬耕甚勞嘗問於友曰何由免此苦也友曰勤

學三十年可免越曰請人將食吾不食人將寢吾不寢如

是十五年以當三十年可乎後果博通羣籍齊宣王師之

拜為上卿

明統志

宋

邵雍字堯夫幼從父古徙居共城卜隱蘇門山下結廬百泉之上時居毋憂布裘蔬食躬糞以養父堅志苦學共令李挺之叩門來訪勞苦之與語物理性命之學雍再拜願受業於是先示以陸淳春秋復授河洛圖書伏羲八卦六十四卦圖象雍益覃思刻勵冬不煖夏不扇夜不就席者數年安貧樂道自云未嘗攢眉名所居爲安樂窩少自雄其才慷慨有大志旣學力慕高遠謂先王之事爲必可致及其學益久德益進玩心高明觀天地之運化陰陽之消長以達乎萬物之變然後頽然其順浩然其歸一日嘆曰昔

衛輝府志

卷三十七

賢哲

三

二百八十八

人尚友千古而吾未嘗及四方遽可已乎於是走吳適楚過齊魯各梁暫久之而歸曰道其在是矣蓋始有定居之意旣遷於洛舉遺逸試將作主簿後又以爲潁州團練推官皆辭疾不赴先生於書無所不讀著皇極經世書六十卷晚尤善爲詩平易而造於理有擊壤集二十卷自爲之序刊行於世熙寧十年卒於洛城寢舍贈秘書省著作郎諡曰康節先生咸淳元年詔從祀孔子廟庭明崇禎間設奉祀生員典其祀世世相繼設有祭出子孫世守焉

宋史道學

傳互見流寓

儒林

北魏

李構字祖基黎陽人祖平魏尚書僕射構少以方正見稱
釋褐開府參軍累遷譙州刺史從父弟庶魏大司農諸子
方雅好學風規檢飭甚有家風

濬縣志

梁

江祿字彥遐幼篤學工書善琴位太子洗馬湘東王錄事
參軍以正規王王深憾焉後為唐侯相卒子徽有文采

南史

列傳

宋

江端友字子我以元祐黨禁摧挫善類憤鬱隱居後吳元

衛輝府志

卷二十七 儒林

三

三百〇六

中薦授承務郎賜進士改諸王教授上書辨宣仁太后謗
誣遭黜渡江居桐江鷓鴣源人號七里先生有自然菴集

留嚴陵郡

見封邱志

崔頤正封邱人與弟偓佺並舉進士初為高密尉以孔維
薦為國學直講刊正諸經音疏遷博士真宗時日召頤正
於苑中說尚書大禹謨賜以牙緋甚優禮之

入鄉賢祠
宋史儒林傳

崔偓佺與兄頤正並舉進士自連江尉入國子監李至奏
為直講真宗謁國學召說尚書賜緋寵異甚厚所著有

王手鑑十卷

入鄉賢祠

元

趙澄共城人德性純古動遵禮度有儒行仕終衛州教

見類

陶師淵有文行至元間官衛輝路學教授

見獲

劉子仁從許謙學魯齋有詩曰聰明羨劉子憤勇入吾門

仕為絳縣令

見滎

明

楊鏞汲人性敏好學修身慎行洪武中由太學生累官山

東左布政使

舊府

謝祿嘉靖間貢任訓導性孝友敦行誼學有淵源同時有

謝祉者亦以貢授忻州學正端方廉介著有通鑑撮要孝

衛輝府志

卷三十七 儒林

十四

三百五三

性二歌均有碑於後學二人特為鄉評所推重

汲縣志

何濟字芳村隆慶年貢行敦孝友學問淵深從之遊者甚

眾選授新城教諭後官南和有去思碑

汲縣志

郭從可號黃岡新鄉人篤學力行性孝友敦儉素由歲貢

任會寧范縣兩邑訓導正己誨人學有次第整繕宮墻亭

禮明備士子為之歌曰崇祀興學誠敬毋荒專神治人作

法不涼年六十致仕歸好海內知名士日治具待賓客惟

恐不至人以鄭當時擬之邑令屏騶造門敦請纂修邑志

以子庭梧貴晉封南京通政使司通政使祀鄉賢

張臻字景福新鄉人性剛方七歲能文家故貧為諸生時同舍人

王統輩憐其無衣爲製一襲遺之臻辭不受者學王公其
其才行延訓子王公遷秩轉薦臻臻怫然曰事宜得體安
有以師餽人者投幣且去諸公子環跪自咎乃已己酉舉
於鄉歷遼州守以獲咎上官改教稍遷衡水令大璫馮某
虐焰方熾前令多善事之臻不少屈卒以守正不阿罷歸
居數年沒祀鄉賢

郭汝靖新鄉人瑄之孫以歲貢任教授學優行飭造就後
學甚多陞長子令未任所著有敬齋集

武資文字斌齋新鄉人性資穎異好學不倦萬歷間以歲
貢任陽武訓導歷許州學正鳳陽府教授老於經師學行
衛輝府志

卷二十七

儒林

五

三百八五

醇篤一時從遊者多所成就生平行立偶坐皆有法度以
孝友著聞有司表之以爲名賢規範郭宗伯溫出其門其
弟修文亦著才名迂直有古人風

趙時英字衆望新鄉人方正溫醇性無恚怒教子弟以躬
行先之生平於書史外無他慕從遊如周一棟張縉彥皆
得其傳嘗夜夢空中垂絳旗題曰天賜麟兒世傳仁慈次
口生孫因名曰夢仁字傳慈己丑科成進士任興國令

俱見新

鄉縣志

王衡字平之國子生先名道廷試引見上爲之更名衡洪
武初授翰林院侍講學士

文泰字時雍成化丁酉科舉人任長清縣教諭造就人
才卓有聲譽宏治六年陞翰林院待詔宏治十一年覃恩
勅授修職佐郎宏治十六年陞榮府紀善加奉議大夫見輝

尙廸獲嘉人儀度閭偉才識越人洪武中由太學生歷官

刑部郎中永樂中陞四川左布政使舊府志

劉若愚字鈞仲獲嘉人少孤力學成進士授行人司事祖
母誠孝待伯仲友恭徧交海內名賢以忠義相勉勵生平
學問本於心性博覽經傳皆得其精獲嘉志

孫養素淇縣人賦質端謹處世和惠豪強侵犯輒不校有

衛輝府志

卷三十七

儒林

七

三百六十七

同堂弟養重輩三五家俱以少孤爲豪強所凌素爲極力
調停家業如故竟無分毫私世傳麟經工苦勤修歷試常
第一四方負笈就學成業者數十人以明經貢於太學卒

祀鄉賢

淇縣志

王宣淇縣人自幼攻書過目成誦早歲遊邑庠閉戶潛修

早有聲譽後舉於鄉成進士官至四川左布政使淇縣志

李恭淇縣人天資穎秀孝行醇篤誦讀定省之外無所事

景泰丙子科舉於鄉成化己丑科成進士歷官戶部郎中

見其縣志

李珉淇縣人早歲遊庠文學丰采超於儕輩成化丁酉利

登鄉薦旋成進士歷官監察御史

俱縣志

周密字約之號津陽山舉人授大名府通判平生重厚少
文藩官甫踰年告歸居鄉不立町畦不植厚產著經書講
意士類宗之清白之風淡如也祀鄉賢

李啟東字伯升號賜谷以增廣生業贈吏部尚書公明慧
剛正誠確仁慈取予一介不苟祀鄉賢

申志深字子淵攻苦力學晝夜不輟三十年如一日憑几
之痕幾穿不以舉業學術分爲二事著有詩習語錄

以上延津志

張理胙城人性純厚勤學隆師親友接人惟尙謙卑洪武

中以貢入太學累官江西左布政使

舊府志

衛輝府志

卷三十七

儒林

七

三百八

侯萬里官教諭著有文集六卷樂府一卷行世

李鯨重厚安雅司教最爲諸士所愛行誼稱於鄉里邑侯
甚禮重之

王价官學正制行淳潔問學該博職教得士心致政歸諸
生思之每具禮遣問仕者過其廬必造焉卒之日憲副張
大業自德州來吊載德州志

邢鏗字文愛有知人鑒作論洪洞識韓文於童子中拔而
教之卒爲名臣旣知邱縣人稱廉平致政歸適文遷河南
憲長有犯者以千金丐公八行書弗與閒居詠歌絕口不
言市朝事邑郭侯被徵臨行語人曰邢先生君子也某

此三年無一字相干其後有邢三省天性至孝宗黨無間
言

鄒越字世昌性純良仁愛好古書史多成誦歲荒出粟賑
貧乏掩蔽幣長子魯字東瞻樸厚恭慎有父風歷官學正
巡察姜公繼曾爲諸生時公器重之及按潯造公廬執師
生禮嘗曰鄒先生君子也第四子泰字景益領鄉薦爲樂
陵令

邢登雲字秀岩其父三省積德有素鄉里稱爲長者登雲
愛誨脩三鍵戶讀書由舉人歷官郡縣至苑馬寺卿遊宦
二十餘年門庭蕭然無異素士每升其座如松風之肅生
衛輝府志 卷三十七 儒林 六 三百八十四
平不取不與不侮不畏靖身守道予告歸田鄉里稱爲善
人

李道焯早年食貧篝燈不給燃香映書成遺書纍纍有燒
痕領鄉薦第六邑侯時時過廬清話焯詔不及私爲國子
助教有時相子執經北面將引入幕焯雅不欲遂出倅漢
中調大同督理馬市却常例數千金未幾乞休

馬騰龍字蘇霖孤介好學三中副車晚以明經仕儀封廣
文講學課士布義行仁聲滿梁衛間一時藩王上臺罔不
馳警敬禮過關變守土者棄城去乃嬰城固守誓與城殉
賊來聞公獨守輒解去撫按交章薦將有不次之用而

以年老嘔血卒市罷巷哭人比之鄭子產子秉德能讀父書亦知名士

以上俱見滑縣志

翟生光字泰昂生而穎異成童卽入庠弱冠登賢書刻志誦讀於書無所不究上春官二十餘次不第年八旬耳目聰明猶朝夕佔俾手不釋卷卒之日誦歸去來辭而沒

滑縣志

舊志

王璉字荆玉爲新野令有守不苛時劉瑾竊權貪賄蔑法璉罷歸璩敗遇例起官有司促之璉曰世路嶮巇豈若優遊林泉授生徒以終餘年乎竟不就

王鹽字濟美有文學性謙抑勤以矩度無少長無苟容後衛輝府志

卷二十七

儒林

九

三百七十六

任代府教授匡輔以道王一日曰先生貧可作封殖計鹽曰臣若謀利不入雲中矣王甚重之

閻敏政字和衷歲貢授寧晉訓導教士有法任二載餘卽請休致生平不妄言笑舉動不苟鄉評推重子禧旣貴自處無異寒士

以上見滑縣志

李頤聰敏嗜學事兄嫂如父母謙遜溫和與物無爭任陝西醴泉縣訓導陞本學教諭誨人不倦多士懷之

考城志

張應節任山東兗州府訓導再任常清縣訓導陞陝西寧君教諭德性純粹舉動剛方深得師範

考城志

郭奎天汾陽王郭子儀後中萬歷乙卯科國初授溫州

府通判致政歸閉戶著書有書二十卷未及刊而卒

舊城志

國朝

劉源潔字一六新鄉人天性孝友篤實醇正嗜古文辭儼然有道風範辛丑成進士潛心理學與孫徵君鑑究談性命之旨後授富陽令引疾致仕一意教授生徒前後出其門者近百人皆以疏通知遠教之年近大耋猶手自編摩不輟參互考訂以求一是至七十八歲正襟危坐口占二絕而卒所著有語錄日譜等書

新鄉志

劉源淵字子靜源潔之弟通經學重然諾大樹壇坫應和日廣時辨狂狷中行說以狂狷自勵而嫉世之為鄉愿者

衛輝府志

卷二十七

儒林

三

四百十四

故人殷祚蕃垂危引子元福屬之源淵視如己子飲食教誨不遺餘力其後元福官翰林源淵乃設瓣香告祚蕃墓邑令重之扁其居曰儒宗高誼以歲貢任新鄭訓導卒於齋廨囊橐一空羣弟子輿櫬以歸

新鄉志

殷元福新鄉人祚蕃子誕時父夢神語云當賜君五福兒因命名字夢五丰姿秀爽讀書十行俱下七歲通小學近思錄十一歲撫拾五經大旨父卒家徒壁立嘗借故書依母紡車前假餘燭光終夜朗誦為文力追先正不逐侍遊年二十補弟子員舌耕陽武問業運至康熙癸酉鄉一明年成進士選翰林嗣蒞廣西之柳城傲雲岩為治重

農課士於蠻烟蠻雨中行鄉飲及賓興禮劍纂邑志四載以艱歸補江南武進吏胥慢易書生捧牘嘗試元福咄嗟裁決成股栗焉兩江有神明之頌攝無錫篆謁東林講堂拔識名宿鄒升恒輩後解組高安相國朱軾方撫浙延主敷文書院明體達用一時咏小白鹿洞生平氣節自命設施本諸實踐精研大易詮發圖書太極之旨垂老不忍釋手古文學韓愈所著書有寓理集附史斷數十則詩出入唐宋大家自選得千餘首有侯鳴集知非草讀易草年六十四卒於家學者私謚曰文介先生元福艱於似續外孫暢俊初生試啼知異常兒因口占曰慧業應知是國華東衛輝府志

卷二十七

儒林

三

四百十六

宋有子握靈虬半生懷抱憑誰說可似淵明紀孟嘉及俊長才敏多學元福狀銘手紀成帙

新鄉志

郭迓熙字騃臣號愚谷別號共陽居士生而穎異事親以孝聞讀書不屑制舉業從孫徵君先生遊手抄九經成帙徵君爲之序晚年尤嗜學以正心立品爲要孟莊別業有星聚堂湯潛菴先生爲之記李滋撰共陽居士傳

輝縣志

楊生輝字映斗順治戊子拔貢生迂古樸拙言笑不苟好讀書官山海關通判謹守禮法上官咸敬禮以爲今之古人未幾掛冠歸兩袖清風一經教子僻處山村隱然

邑之望

輝縣志

郭培貽輝縣人字燕若孝友性成文品兼優新輝兩邑後進多出其門人有貧乏者周之家產漸耗而中懷淡如也最喜溫公事無不可對人言之語大書壁間以自勵輝縣志

侯夢卜字康侯順治己亥進士性行謹愿學問精深仕為監利令未幾卒濬縣志

張素志字心所生而穎異孝友慷慨教子施大十歲能文登進士高第歷官刺史而手書誥誡惟以廉潔愛民盡職

無忝為諄諄也施大蒙 覃恩宜受封不憚曰吾讀書一生不能自博一第乃藉兒子成名乎後以明經貢於 廷

而後受年七十餘卒濬縣志
衛輝府志 卷二十七 儒林 三 三百七五

李象鯤字扶九端方孝友性嗜詩書為諸生高等屢科不第課子授徒年八十猶誦讀不輟子五登賢書遊泮水咸有文名於世濬縣志

郭可愛汾陽王郭子儀後學宗濂洛孝友著聞經史諸書悉自手錄臨終令殉身壽八十七昨城舊志

陳陞顯字君遴辛卯科舉人任淇縣教諭事父母以禮教子弟以法秉鐸作養士子成就甚眾著有四書全集講義

子大廷輯鐫行世
王如奐字葵釐文行俱優尤多行善事息訟濟貧司訓伊

陽郝儷金勤月課講學論文士林重之

王訖字如默居心恬退律身整嚴好讀書至老弗懈晚年
德益進文士多出其門

伏士譽字從周耕讀事母耿介持身撫侄如子廣刻先輩

格言嘉誘後學其善端有足風者

以上見考城志

李廷棟字殿衡汲縣人從坦子博聞強識尤重敦行弱冠
遊庠旋食餼試輒冠軍鄉闈數薦不售庚辰以歲薦任嵩
縣訓導壬午緣河務督催物料嵩縣山高路險經水冲决
苦於轉運廷棟據實上陳河南府十屬由是得免合郡均
受其賜督課諸生猶如子弟嘗謂之曰文辭藝也道德實
也願與諸生共勉之在嵩十餘載嵩士先後登鄉薦者乙

衛輝府志

卷二十七

儒林

三

四百三

酉戊子辛卯諸科稱最盛中州士林咸相傾慕至今伊洛
間猶頌美弗衰云戊戌以長子溥任浙江奉化縣知縣贈

文林郎季子猶龍丁酉科舉人鍵戶讀書克世其家

採訪事實

李廷楷字用九一字式遠汲縣人從正子篤學好讀書刻
苦自奮究心經史旁及百家弱冠入邑庠試輒高等旋食
餼生平尚義里黨婚喪竭力周之卽稱貸弗顧也晚歲嗜

義尤篤時人咸相欽重焉

採訪事實

趙士錦字綱尙汲縣人貢任睢州訓導和平正直毋敢干
以私居恒手抄經史自娛尤喜誘掖後進因材造就獲滿
者相繼會諸生與州富人構訟州守移學訊之富人

貽千金士錦却弗顧力爲剖白竟不直富人上官重其
值歲飢賑恤今監放無絲毫染指賴以存活者數萬人
睢人德之至今猶頌美不忘尋陞汝州學正採訪事實

孟治詩字化南汝縣廩生立品端方學問宏博爲諸生

輒冠軍家居授生徒勤講貫文名最著薦紳先生樂與遊

郡中知名士多出其門採訪事實

李涵字奕注廷棟次子英爽奇特力學不怠家故多藏書

每有會心輒忘寢食弱冠遊庠自經史外莫不博覽議論

風生援引古昔一時耆宿咸相驚歎隨父之任嵩陽學益

肆竟以刻苦致疾里黨無不惋悼採訪事實

衛輝府志 卷三十七 儒林

王脉遠淇縣人貢生幼嗜學閉戶潛修不預外事秉鐸陳

留勤於課士一時文風丕振咸相推重採訪事實

馮儒字宏齋淇縣人歲貢銓授寧陵訓導性敦厚好施予

嘗爲人排難解紛鄉人德之家居教授生徒成名者數十

人任寧陵日勤於訓課教諸生立品讀書絕不以事干縣

令後解組歸紳士父老祖送郊外依依不忍別治家嚴整

有法子孫以爲世守云採訪事實

紀冲字平遠淇縣人增生端方正直一生無苟且私曲事

家甚寒安貧自守畢完國課七十餘年差役不至其門足

跡亦不履公門人有以橫逆來者涵容不報教人

弟忠信禮義廉恥為訓不徒為功名計而成就甚多餘亦
樸實老成不流匪僻一方奉為師表焉採訪事實

馮惟憲獲嘉人少穎異七歲就塾日記數千言長工文辭

初學昌黎文後得程朱全集喜誦之遂以理學自期立身

制行遵為規獲嘗同邑令吳公喬齡修獲嘉志平居硯田

自給勤於訓迪年七十餘不懈受業成名者甚眾所著有

化磴居詩文藏於家採訪事實

王永健字力菴一字天成延津人增子性明敏有學識甲

子登鄉薦任柘城教諭造就士子整飭學宮無憾毫髮己

亥秋緣河決督催周家口協濟麥石庚子總理疏通惠濟

衛輝府志 卷二十七 儒林

三五 三百七六

河道公私兩便士民悅服以考最陞任南陽府學教授課

士一如柘邑提調宛南書院佐山長丕振文風至今宋宛

兩地猶沐其化雨云採訪事實

王紘字蓮浦號昭度延津人給諫紘之弟乾隆丙戌進士

經學湛深好獎進後學四方負笈來者咸就家塾卒業山

西喜聞命延主香山書院紘立條約十二訓迪勤懇一

知名士皆遊其門後省親歸生徒奔走百餘里相送

十二卒士林惜之採訪事實

道學

玠字孝先平邱人少爲縣吏以清公稱漢獻帝時
以玠爲東曹掾與崔琰並典選舉其所舉用皆清正之士
後選尚書僕射司馬溫公稱其拔敦實斥華僞進冲遜抑
阿黨時吏潔於上俗移於下適天亢旱不雨操輒黥人面
沒人妻子爲奴玠曰使天不雨者此也或自操謂玠怨謗
操怒收玠傅獄待中相階等爲之陳理曰玠剛直忠公爲
衆所憚不宜有此操令人釋玠免官卒於家 三國志

晉

成公簡字宗舒

晉書東郡人

家世二千石性樸素不求榮利潛

心味道罔有干其志者默識過人張茂先每言簡清靜比

徧輝府志

卷二十七 道學

三

晉書

楊子雲默識擬張安世官至太子中庶子散騎常侍

晉書列傳

張閻字子臺東郡人爲承寧太僕與杜恕共恕家戒嘗稱之曰張

子臺視之似鄙樸然其心中無物不知天地間何者爲美

何者爲好敦然似與陰陽合德者作人如此自可不富貴

患難從何來

晉書列傳

蔡克字子尼考城人少好學公亮守正行不合已雖富貴

不交也高平劉整恃財縱誕無所拘忌嘗與克同坐整慚

不自安後爲成都王穎記室初克未仕時河內山簡嘗

今之正人稱之王衍聞克在選官曰山子正人之言驗

今矣克以朝政日弊遂絕不仕後至河北爲汲桑所害

梁

沈軻字伯倫考城人貞嚴有行宗人江概位至侍中性豪侈惟見軻則敬憚焉南史列傳

宋

林舍字虛白早舉進士為大理評事年三十掛冠與蘇軾同年軾有書云先生熙朝及第壯歲休官以節志推之賢於淵明遠矣揮縣志

王昭素有懿行為鄉里所推重篤學不仕常聚徒教授一時名士皆師之鄉人爭訟不詣官府多就決之每市物隨

衛輝府志

卷二十七

道學

三

三百四一

所言而還直未嘗較論高下市人相告曰王先生古道未可欺也嘗著易論二十三篇太祖聞之召至賜坐令講易問治世養心之術對曰治世莫如愛民養心莫如寡慾太祖書其言於屏拜國子博士以衰老辭賜茶藥及錢二十萬留月餘送歸年八十九卒祀鄉賢宋史儒林傳

元

姚樞字公茂號雪齋其先柳城人後遷輝州遂為輝人自幼力學讀書夜分不輟志期甚高北觀太宗甚重之賜錦衣金符為燕京行臺郎中時牙魯瓦赤行臺惟事貨賂樞曰携家來輝豈雪門楚州數百版修二水輪詠案

三讀書其間衣冠莊肅以道學自鳴暇時則鳴琴百泉之
上通世樂天若將終身又汲汲以化民成俗爲心自版小
學始孟諸書傳之四方時許文正公衡開公得伊洛性理
之學盡室來輝相依以居世祖在潛邸以禮聘至敷陳治
道數千言世祖奇其才使授太子經以爲太子太師不拜
改大司農拜中書左丞昭文館大學士十三年罷昭文館
拜翰林學士承旨卒於官壽七十八贈榮祿大夫少師謚
文獻追號嘉猷程世舊學功臣太師開府儀同三司魯國
公葬於輝子燁年十六世祖官以禮部郎中蓋異數也長
居官忠厚濬懷克紹先烈歷官中奉大夫河南北廉使陝

衛輝府志

卷二十七 道學

天

四百卅五

西行中書省參知政事卒贈推忠秉德佐治功臣光祿大
夫河南江北等處行中書省平章政事柱國追封魯國文

忠公 元史
列傳

姚燧字端甫號牧菴樞之從子生三歲而孤育於伯父樞
謂燧蒙暗教督甚急燧不能堪楊奐馳書止之曰燧令器
也長自有成何以急爲且許醮以女時許衡與樞講道蘇
門燧年十二遂從之遊衡以國子祭酒教貴胄奏召舊弟
子十二人燧自太原驛致館下燧年二十八爲秦土府文
學提舉陝西四川中興等路學校遷翰林直學士奉詔
世祖實錄拜江西行省參知政事仁宗居藩邸開宮闈

...年已七十...遺正字...如...
...客未幾除承旨學士尋拜太子少傅武宗...
...辭謝曰昔臣先伯父樞嘗除是官尚不敢拜臣何敢受授
翰林學士承旨知制誥兼修國史又四年得告南歸後召
以病不赴卒於家年七十六諡曰文懿器識豪邁出窮理
致知反躬實踐爲世名儒爲文闕肆一冷家而不宕剛而
不屬春容盛大有西漢風宋末彫弊之習爲之一變蓋自
延祐以前之文章大匠莫之能先也有牧菴文集若干卷
行世元史列傳

衛輝府志

卷三十七

道學

无

三百七五

劉啟祥字端宇天性孝友潛心理學家門雍肅動有禮法
以貢授廣文歷鷄澤縣東平州保定府教崇實學課士有
方齊魯燕趙之士從遊者甚衆歸田後墮戶讀書垂老彌
篤四子十孫咸登仕籍著有大學要旨書經心法行世

見

縣志

國朝

孫奇逢字啟泰號鍾元直隸保定容城人明萬歷庚子舉
人少以孝聞與江村鹿忠節訂交卽以荷聖學自任安貧
樂道隱然負名世之望兩朝徵聘十一次皆辭不就夫
稱之日徵君 國初携家蘇門關兼山堂於夏峯讀書

中四方學者聞風興起負笈結廬千里從遊朝右繼繼
歸里受業學者又稱夏峯先生睢州湯潛菴嵩陽耿介
諸儒皆出其門先生之學在體認天理而功歸慎獨凡與
人論忠孝仁義必罕譬幽喻歸諸道而後已直以庸德庸
言印證天命原初之體誠 與窮理學之宗而續濂洛關
閩之統緒者著有四書近指讀易大旨尙書近指理學宗
傳夏峯集家禮酌歲寒居文集孝友堂家規幾輔人物考
中州人考考讀書行世年九十二歲卒葬於趙列祀百泉
書院子孫居輝世有哲人猶有理學之家風焉 輝縣志互見流寓
孫望雅字君孚奇逢第三子週歲喪母十歲始就外傳請

衛輝府志

卷三七

道學

三

四百五十

書鄙章句既弱冠父命從鹿忠節公學讀羅念菴集恍然
曰學在是矣忠節大喜復授以傳習錄與家兄君建互證
默識充然有得年三十卽棄青衿以尊聞行知爲務從徵
君寓蘇門徵君沒一肩家學久而彌新喜怒不形涵養純
密論者謂君建似伯夷君孚似柳下焉年七十七無病卒
康熙四十年祀鄉賢所著有得聞人集行世 輝縣志

孫用正原名用楨字以寧號緘齋中翰詮子八歲能屬文
十二歲能詩古文辭年十四入郡庠旋膺選拔領鄉薦遭
外艱遂淡仕進從憂戚中認取本來面目潛心家學深有所
所得寢處榻旁不飲酒茹葷者三年母楊氏年八十失

用正先意承志宗族無間言年七十丁母憂屏絕葷酒率
兩孫居廬墓側者三年乾隆七年以孝聞於 朝廷建坊
旌表初任禹州學正悉本徵君之教以教士士風丕變再
鐸許昌創書院興社學去之日紳士建講堂祀之且歲時
講習其中前大中丞楊雅兩公俱聘主大梁書院教士惟
尚躬行居恒以維持風化爲本樂道人善如不及族衆貧
乏者周之貧甚者給以田廬乾隆八年舉鄉飲大賓所著
有緘齋集十六卷增刪輝志稿八卷卒年八十九歲葬於
城北方山之陽 輝縣志

忠節

衛輝府志

卷二十七

忠節

三

三百五九

殷

比干紂諸父爲少師見箕子諫不聽而爲奴則曰君有過
而不能死諫則百姓何辜乃直言諫紂三日不去紂怒曰
吾聞聖人之心有七竅信有諸乎乃遂殺之剖而視其心
武王既克殷封其墓唐貞觀十九年再封之贈太師諡忠

烈

周

矣演衛大夫初受君命出聘未返狄人侵衛懿公敗於榮
澤見殺身無完膚獨肝完好演使還報於肝所辭畢呼天
而號盡哀而止曰若臣者獨死可耳遂自剖腹以內懿公

之肝而死 左傳

孔遠初晉以衛之救陳也討焉使人弗去曰罪無所歸將
加而師孔達曰苟利社稷請以我說遂縊而死衛人以說
於晉而免衛人以為成勞復室其子使復其位 左傳

三國

陳宮字公臺 三國志東郡人 剛直壯烈少與海內知名之士皆相

結連及天下亂始從曹操後自疑去乃從呂布為布畫策
布每不從其計下邳敗宮被執操謂曰公臺平生自謂智
計有餘今竟何如宮指布曰不用宮言以至於此若其見
從未可量也趨出就戮 三國呂布傳

衛輝府志 卷二十七 忠節

梁

江子一字元亮晉散騎常侍統之七世孫也父法成奉朝
請子一慷慨有大志以孝聞仕梁為王國侍郎奉朝請其
姑夫左衛將軍朱異權要賓客輻輳子一未嘗造門其高
潔如此為遂昌曲阿令皆著美績後為南津校尉弟子四
歷尚書右丞兄弟性並剛烈子四自在丞上封事極言得
失武帝善之詔曰屋漏在上知之在下其令尚書詳擇施
於時政及侯景攻陷歷陽圍建業子一及尚書左丞子
四東宮直殿主帥子五並力戰直前子一刺賊死之
弟口與兄俱出何而獨旋乃免胄赴敵俱死之賊義子一

之勇歸之面如生侯景滅元帝追贈子一侍中謚義子子
四黃門侍郎謚毅子子五中書侍郎謚烈子子一續黃圖
及班固九品並辭賦文章數十篇行於世

梁書
列傳

唐

甄濟字孟成本定州無極人叔父爲幽涼二州都督家衛
州宗屬以伉俠相矜濟少孤弱獨好學有高行以文雅極
嘗讀書衛縣清巖山十餘年遠近伏其仁採訪使苗晉卿
表之諸府五辟詔十下皆不起天寶十載以左拾遺召未
至而安祿山入朝求濟元宗不得已起爲安祿山掌書記
察祿山有異志陽爲嘔血不支昇歸祿山反使蔡希德封

衛輝府志

卷二十七

忠節

三

四百三三

刀召之濟引頸以待希德嗟嘆以資疾白祿山得免後賊
平濟詣京師肅宗命館於三司署令受僞官者羅拜以愧
其心累遷著作郎兼侍御史卒贈秘書少監

唐書卓行傳

高郢字公楚九歲通春秋工屬文著語默賦諸儒稱之父
伯祥爲奸時尉安祿山反將殺之郢尙幼解衣請代賊義
並釋之寶應初舉進士代宗爲太后營章敬寺上書諫不
納以茂才異行高第累遷咸陽尉嘗勸李懷光西迎乘輿
懷光反方銳不聽因與其將呂鳴岳張延英謀間道歸國
事洩懷光先斬二將然後引郢詰請抗詞無所愧隱懷光
誅李晟表其忠召拜主客員外郎遷中書舍人進禮部侍郎

謝絕請謁額行藝司貢部凡三歲甄幽獨加浮華流競之俗爲衰貞元末擢中書侍郎同中書門下平章事順宗時爲華州刺史政尙仁靜以右僕射致仕卒贈太子太保謚曰貞郢恭慎不與人交掌制誥家無留稿或問之曰王言不可藏於私家生平不治產有勸之者曰祿廩雖薄在我則有餘田莊何取乎子定自有傳

唐書列傳

蒿里相公名字失傳蒿里公所居號也舊志稱公登第之初直諫不從觸階而殞唐延和間封直烈侯鄉人稱爲相

公云輝縣志

盧奕懷慎子疎眉目豐下謹重寡欲斤斤自修與兄奐名

衛輝府志

卷二十七

忠節

書

三百八十四

相上下而剛毅過之天寶初爲鄆令所治輒最積功擢給事中拜御史中丞自懷慎奐奕三居其官清節似之時傳其美俄留臺東都兼知武部選安祿山陷東都吏亡散奕前遣妻子懷印問道走京師自朝服坐臺被執將殺之卽數縣山罪徐顧賊徒曰爲人臣當讞逆順我不蹈失節死何恨臨刑西向再拜而辭罵賊不絕口肅宗詔贈禮部尙書謚貞烈

唐書忠義傳

宋

杜貴仕至大尉政和三年賊犯縣境貴率二子出禦其裝而死民賴以全

輝縣志

閻忠衛王時為開州刺史贊哥叛忠單騎入城縛之出由是漸被擢用哀宗遷蔡園城之役與義軍招撫毛佺等同

日戰死滑縣志

元

王遜志惲曾孫歷監察御史江西廉訪副使召簽太常禮儀院元末京城不守公卿爭出降遜志獨家居衣冠而坐其友王翼來告曰新朝寬大盍出詣官自言狀遜志斥之曰君既自不忠又誘人為不義耶即日投井死汲縣志

郭明善魁岸驍勇少讀孫吳書慨然有大志嘗曰丈夫當

衛輝府志

卷二十七

忠節

三五

三百七三

如項籍學萬人敵班超封萬里侯安能效書生尋章摘句從事筆硯間乎順帝元統己亥出千戶從大將某討劉福通有功陞萬戶丁未秋猶高為變殺衛輝守禦余仁輔駐兵清化時善將兵八千西扼盩城之喉東禦修武之險氣甚銳猶高遂引兵還戊申冬明師由中灤渡河善力戰歿於陣孫彬收遺骸葬之獲嘉志

李鉉字伯鼎守延平擒寧化寨寇解福州海寇圍進擊福安寨寇戰於政和泗洲橋弗克賦詩曰戰敵誠宜死沉思恨復牽君親恩未報忠孝事難全埋骨應無地知心祇有天孤魂托明月夜夜白雲邊遂戰死事聞贈鎮國上將軍

隴西郡公兄鈞字伯衡累以戰功至懷遠大將軍亦討寨寇於清流戰沒國人號曰雙忠

入祀鄉賢
滎縣志

明

左源景泰甲戌進士歷任監察御史抗疏論諫屏遠嬖佞廷杖四十謫文縣知縣持稱其忠直

汲縣志

張衍瑞字元承舉子宏治乙丑進士授清豐知縣有治績以執法忤劉瑾逮下詔獄幾死瑾誅得釋陞吏部主事歷文選司郎中值武宗南巡抗疏諫止上怒罰跪子杖又瀕死謫平陽同知肅宗嗣位特詔復原職尋陞太常寺少卿卒贈太僕寺卿遣官諭祭於其家並營葬事

汲縣志

衛輝府志

卷二十七

忠節

三

四百六

劉珏以貢士任刑部照磨正德中武廟將南巡珏連疏伏闕諫止上大怒令同諫者跪於午門五日因下獄廷杖死車駕亦不果出嘉靖元年詔贈刑部主事命有司諭祭廕其子鈇爲太學生以旌其忠今從祀鄉賢祠

汲縣志

卜從善明末河南總兵也先以副總兵守衛闖賊犯開封巡撫高名衡令暗渡河南掘河灌賊營未成賊覺衝散後河決陷開封從善以水師至城上合河北諸軍用大礮擊沉賊前鋒土寇李際遇等所在蜂起從善兵僅三千人屢建奇功崇禎十七年賊將破懷慶漸逼衛從善護潞藩南行賊旋據衛城從善返與爭力竭爲所執大罵不屈遂遇

其割腹剜胸備極慘毒郡人哀之殮其尸葬北關寶雲寺
後東偏 汲縣志

何繼舊其先山西洪洞人以世襲任衛輝千戶遂家於汲
生平謙以律已謹以奉公遷南陽守備竭力整飭營務剔
蠹除奸而仍寓以和平不事苛細撫按交章薦擢河南都
司署都指揮僉事爲閹黨所排旋里崇禎甲申春流賊入
衛不屈被殺妻支氏從殉一女年十七死尤烈別有傳汲縣志

郭淵號蘇門蒙古之子萬歷乙未進士授翰林院庶吉士
散館編修歷春坊庶子辛丑爲會試同考官與卬典試江

衛輝府志

卷二十七

忠節

三

四百〇一

西並稱得士居父母喪廬於柩側主旁不入內六年如一
日喪祭告虔必以禮烹宗卽位起詹事府少詹事掌南翰
林院疏辭不允尋陞禮部右侍郎閔廣選之沒忠憤惓惓
卽上疏請兵數萬以益文龍條折如燭照拜疏卽行欲至
京面陳是時驛路紛紜皆南行各避尊駕過歸爲身家計
而涓獨捐軀赴難携家北上遂以感憤時艱兼程取道憂
勞成疾至京師而卒贈禮部尚書贈一子勅賜祭葬建坊
以旌其忠淵精書法工詩文有菘竹園集行世祀鄉賢忠

義祠

新鄉縣志

李可登字思善宏治舉人歷任兵部司務議大禮忤旨廷

殺死隆慶初詔褒其忠贈光祿寺少卿祀忠義祠

吉永祥國子生任陝西漢中府鳳縣主簿既致仕流寇笑至城下印官逃走公倡義督士民守城城陷公北面再拜曰臣爲鳳縣官不敢以致仕逃局外當與城同存亡遂罵逆寇死難長子士樞三子士模同公死難詔贈漢中衛經歷勅建忠節坊

張信歲貢生任襄城縣訓導逆關梟張孤城失守拜辭君師北面自縊氣未絕而賊至解其索徵生之公大罵不絕口截其舌卽以血書剪寇字誓爲厲鬼以除賊賊益恨遂遇害其妻馮氏媳崔氏亦殉於難忠孝萃一門載襄城志

衛輝府志

卷二十七

忠節

三

四百。五

甚詳其子庠生含樸冒刃覓死與繼婦葬

牛德富關村里農夫也莊烈帝崩因鬪至牛正執鋤播耰呼號痛楚赴百泉二閘投水死其忠烈與西湖樵夫甚相

類

以上輝縣志

賀仲軾字景瞻獲嘉人萬歷庚戌進士工部郎中盛瑞子也初任醴泉令有聲丁憂補青浦修海忠介祠以見志佐戶部辨湯道衡之誣守鎮江表戴天錫之績不附璫熖捐金收葬袁化中楊璉諸臣具徵氣節自武德兵備歸里杜門著書不輕接見當道甲申寇逼所在風靡公撫膺太息曰人臣大節難虧讀書貴有實用吾受國厚恩一旦有變

不以死報何面目見吾君吾祖考於地下急取徑行素子
振能嗣子敏猷顧妻王氏妾李氏張氏王氏曰吾從此逝
矣願從死者隨吾入穴妻妾同聲應曰主人死吾儕何忍
獨生隨登其別墅巨柏庄樓上扃戶相率縊死人多有輓
詩載藝文中 獲嘉縣志

李樸廩膳生崇禎五年九月流賊大掠人民逃竄業以祖
宗墳墓不忍雜遭賊於郊不跪欲刃之樸厲聲曰吾輩讀
書知節義頭可斷膝必不可屈大罵不絕口而死事聞知
府苗率屬泣祭之 獲嘉縣志

毛一麟歲貢生任禹州學正崇禎十四年十二月李自成
衛輝府志

攻禹州或皆死之 獲嘉縣志

張必達其縣廩生與其胞弟邑庠生上達同居尚義氣崇
禎庚辰西山土寇聚隴河北道憲副鞏公焞臨境議勦會
河南流寇猖獗河北苦無官兵欲調各村社鄉兵恐不堪
用二生詣道請謁抵掌談勦賊之器願以盡忠報國為已
任鞏公大加獎勵因以其事托之二生督率高村等處鄉
兵三百餘名夤夜進勦賊已偵得其情設伏待之不克兄
弟俱死於難院道憫其苦節為其門曰烈丈夫仍行提學
道收錄必達子德壽上達子福壽俱寄學作養 淇縣志

喬登字汝南號南溪山陰處士平湖幕官適倭寇逼平湖

堯公麾義旗率眾禦之始戰殲巨魁再戰斬羣醜數百既而追勦遇伏力戰死之撫按旌其忠祀於平湖之名宦祠仍立廟於戰所曹家橋祀鄉賢延津志

李宏宗道焯孫文學富麗畢命殉國入皆傷之濬縣志

杜時泰由恩貢知環縣會流賊大掠杜領眾出矢天曰賊

至此有死而已嚴兵待之賊聞潛遁尋陞同知西安府以

清節聞未幾卒曹太守送其喪及妻歸無嗣互見政績濬縣志

劉襄宸偉施子明末值國步艱難竟以身殉濬縣志

程見周王良翰皆滑州孝廉也兩人素尚氣節見賊橫國

亡傷心隱痛誓以身許國及偽官流毒府檄擒之兩人遂

衛輝府志 卷二十七 忠節 卑 三百八

與諸紳衿定盟倡義不克抗節而死滑縣志

王之傑字斗南剛方信義賊至被縛怒罵被害其子廩生

夢資見賊害父拔刀憤戰良久不勝至死罵不絕口考城縣志

藍欽考城縣廩生性剛毅流寇攻城急欽登城諭以大義

為賊暗射死考城縣志

侯社考城人遭流寇難投水死歸德府志

侯廷佑考城人遭流寇難投水死歸德府志

孫尚先考城人父死於寇尚先殉父被害歸德府志

劉尚志榮子尚信弟也時當板蕩備歷艱虞與兄子文偉

文顯俱以身殉滑縣志

國朝

李實發號石林天敘孫大生子與弟實秀同登壬午榜選授湖廣襄陽推官明允有聲性剛直不畏強禦值逆弁作亂被執不屈罵賊而死事聞 朝廷憫其忠烈贈湖廣按察司僉事諭祭蔭子聯入國學祀襄陽名宦康熙間祀鄉賢 汲縣志

衛輝府志

二十七

忠節

里

